



Vatanga sadoqat. Ma‘nodosh so‘zlarning qo‘llanilishi.



Fan- O‘zbek tili

O‘qituvchi- Kamaliddinova Nigora Sirajiddinovna



TIIAME

REJA:

1

- Vatanparvarlik

2

- Vatan kelajagi yoshlar qo‘lida

3

- Ma‘nodosh so‘zlar

4

- Topshiriqlar ustida ish



WWW.UZ



TIIAME

Vatanparvarlik

Vatanni sevish vatanparvar bo‘lish demakdir. Vatan muqaddasdir.Uni asrashimiz kerak.

Vatanparvarlik ona zaminga bo‘lgan muhabbat bilan o‘lchanadi.

Uning ravnaqiga har bir fuqaro o‘z hissasini qo‘sishiga intiladi.

Xalqiga sodiq kishi vatanparvardir.U har qanday vaziyatda ham xalqiga, Vataniga xiyonat qilmaydi, Vatanini sotmaydi.



Vatanparvarlik - jonkuyarlikdir. Chunki vatanparvar kishi o‘z hayotini yurtining tarixi, ilm va madaniyati, milliy qadriyatlarini bilish hamda e’zozlashga bag‘ishlaydi.

Vatan kelajagi yoshlar qo‘lida. Ular ajdodlari tomonidan yaratilgan moddiy va ma’naviy boyliklarni asrab-avaylaydilar. Vatan taraqqiyoti, millat obro‘siga hissa qo‘shgan, xalqiga foyda keltirgan, fidoyilik, halollik bilan mehnat qilgan inson vatanparvar hisoblanadi.





Shunday ekan, har bir kishining qalbida o‘z Vataniga buyuk e’tiqod, muhabbat his-tuyg‘ulari barq urib tursa, bu ajoyib ne’matlarni umrbod ardoqlasa, shundagina u haqiqiy vatanparvar bo‘la oladi.



TIIAME





Vatan himoyasi



Vatan himoyasi hamma zamonlarda ham eng sharaflı va
oliyjanob ish, ona diyorga bo‘lgan mehr-muhabbatni namoyon
etishning oliy namunasi bo‘lib kelgan.


Biz kelajagi
buyuk Vatanning
farzandlarimiz.

Biz uni sevamiz,
ardoqlaymiz.
Uning qudrati,
shon-shuhrati, erk-
u farovonligi
yo‘lida fidoyilik
bilan xizmat
qilamiz.





Yurt himoyasi yo‘lida qahramonlik ko‘rsatgan buyuk bobolarimizning jasorati bizlar uchun ibrat bo‘lib xizmat qiladi. Vatanga bo‘lgan mehr va sadoqatimizni yanada oshiradi. Xorazmlik ulug‘ alloma Najmiddin Kubro falsafiy she’rlari, ilmiy risolalari bilangina emas, Vatan himoyasi yo‘lidagi qahramonligi bilan ham xalqimiz xotirasida yashab kelmoqda.





Chingizzon boshchiligidagi mo‘g‘ul qo‘shinlari yurtimizga bostirib kelgan paytda dushmanlar ul zotning obro‘-e’tiborini hisobga olib ozodlik bermoqchi bo‘ladilar. Ammo donishmand dushmanning bu iltifotini qabul qilmaydi. U kishi mard o‘g‘lonlar bilan birga jangga kiradi va qahramonlarcha halok bo‘ladi.

Rivoyat qilishlaricha, avliyo bobomiz dushman bayrog‘ini tortib olib, shu qadar mahkam ushlagan ekanki, o‘n kishi bo‘lib ham uni bobomiz qo‘lidan ajratib ololmagan ekanlar.





Lug‘at

jonkuyar — преданный всей душой

moddiy — материальный

fidoyi — самоотверженный

ma’naviy — духовный

e’tibor — внимание

taraqqiyot - развитие



TILAME

Matn yuzasidan savol va topshiriqlar:

- Vatanga sadoqat deganda nimani tushunasiz?
- Najmiddin Kubroga tavsif bering.
- Xorazmga kim bostirib keldi?
- Chingizzon kimga iltifot ko‘rsatdi?



TIIAME





TIIAME

Bilib oling!

Tildagi ayrim so‘zlar shakliy jihatdan, ayrimlari ma’no jihatdan, bir xillari talaffuzi jihatidan o‘xshash bo‘ladi. Ayrim so‘zlarning ma’nolari esa bir-biriga qarama-qarshi bo‘ladi. *Ma’nodosh so‘zlar* «bir nomli» de- gan ma’noni bildirib, shakli har xil bo‘lsa ham, ma’nolari bir-biriga yaqin bo‘lgan so‘zlardir.

Masalan: ovqat, osh, taom; ishchan, harakatchan, tirishqoq.



TIIAME

1-mashq. Nuqtalar o‘rniga mos so‘zlarni qo‘yib yozing va ma’nodoshlarini toping.

1. Avtobusga chiqqan ... kishiga yoshlar joy berishdi.
2. Do‘sidan kelgan ... uzoq asrab yurdi.
3. Bolalar ... suzilganda kirib kelishdi.
4. Sinfimiz o‘quvchilari ... tufayli a’lo baholarni olishdi.
5. Ota-onalar majlisida ... masala ko‘rildi.
6. Shu maktabga ... qadamni bosgan edim.
7. O‘qituvchimiz ... voqealar haqida gapirardi.
8. ... shoir Navoiy Hirotda tug‘ilgan.



TIIAME

2-mashq. Ajratib ko‘rsatilgan so‘zlarning ma’nodoshlarini topib yozing.

1. Uning akasi ishni **bitirdi**.
2. Berilgan ishni **bitirdi**.
3. Yangi rejalar haqida **so‘zлади**.
4. Gulnozaning **betiga tabassum** yugurdi.
5. Onasiga, Vata- niga bo‘lgan**mehrini** sezdi.
6. Eshik ochilib, onasining **chiroyli yuzini** ko‘rdi.
7. O‘zbek xalqining **urf-odatlari** ko‘p.
8. Bu yil dalalarda poliz ekinlaridan **мо‘л** hosil olindi.



TIIAME

3-mashq. Foydalanish uchun berilgan so‘zlar yordamida nuqtalar o‘rnini to‘ldirib yozing va ularning ma’nodoshlarini toping.

1. ... tirik sayyoralardan biri bizning yerimiz hisoblanadi.
2. ... ongli jonzotlardan biridir.
3. Uning onasi ... bilan chiqib ketdi.
4. Bu yil bog‘bon uzumdan ... hosil oldi.
5. Qizlarimiz ... xulqqa ega bo‘lishlari kerak.
6. ... bu gaplarni eshitardi.
7. ... so‘zla, soz so‘zla.
8. Kutubxonada ikkita qiz tinmay nimalarnidir

Foydalanish uchun so‘zlar: mo‘l, samoda, inson, iboli, yumush, hamma, shivirlashardi, oz.



TIIAME

1-topshiriq. Berilgan gaplarni ona tilingizga tarjima qiling.

1. Shahrimizda yangi binolar qurilmoqda.
2. Ajdodlarimiz merosini o'rga- namiz.
3. Yurtimizda tinchlik va farovonlik bo'lsin!
4. Vatanimizning taqdiri bizning taqdirimizdir.
5. Vatan kelajagi yoshlar qo'lida.



2-topshiriq. Quyidagi maqollarni o‘qing, mazmunini izohlang.

- Vataning tinch - sen tinch.
- Vatanni sotgan er bo‘lmas.
- Ona yerining tuprog‘i ona sutiday aziz.
- Ona yurting omon bo‘lsa, rangi ro‘ying somon bo‘lmas.
- Vatani borning baxti bor, mehnati borning taxti bor.

Uyga vazifa. Avaylamoq, yurt, harakatchan, himoya, ko‘rmoq so‘zlari ishtirokida gaplar tuzing.



E‘tiboringiz uchun
rahmat!